

---

---

INTERNACIONALNI UNIVERZITET TRAVNIK

---

---



---

---

INTERNATIONAL UNIVERSITY TRAVNIK

---

---

**PRAVILNIK  
O STUDENTSKOM ORGANIZOVANJU NA INTERNACIONALNOM  
UNIVERZITETU TRAVNIK**

Travnik, februar 2015.godine

Na osnovu člana 64. tačka d) ,člana 114 i 143.Zakona o visokom obrazovanju („Službene novine Srednjobosanskog kantona“, broj 4/13), člana 156. Statuta Internacionalnog Univerziteta Travnik, u Travniku, broj:33-02/14 od 15.12.2014.godine, Senat na sjednici održanoj dana 13.02.2015.godine donosi slijedeći:

## **PRAVILNIK O STUDENTSKOM ORGANIZIRANJU NA INTERNACIONALNOM UNIVERZITETU TRAVNIK**

### **I-OPĆE ODREDBE**

#### **Član 1.**

Pravilnikom o studentskom organiziranju na Internacionalnom univerzitetu Travnik, u Travniku (u daljem tekstu: Univerzitet) uređuju se oblici studentskog organiziranja, studentski parlament, nadležnosti studentskog pralmenta, organi i stručna tijela studentskog parlamenta, studenstka vijeća, studenstki pravobranilac, dobrovoljni rad studenata i evidencija studentskog organiziranja

### **II-OBLICI STUDENTSKOG ORGANIZIRANJA**

#### **Član 2.**

Oblici studentskog organizovanja na Univerzitetu su:

- a. Studentski parlament Univerziteta,
- b. Studentska vijeća organizacionih jedinica.

Na Univerzitetu studenti mogu osnovati i druge studentske organizacije, klubove, čija je djelatnost zaštita prava i interesa studenata, poboljšanje uslova studiranja i druga djelatnost u vezi sa statusom studenta.

### **III-STUDENTSKI PARLAMENT**

#### **Član 3.**

Studentski parlament uspostavlja se i obavlja djelatnost na način predviđen statutom Studentskog parlamenta.

Inicijativu za osnivanje Studentskog parlamenta pokreću studenti.

Studentski parlament se uspostavlja na Univerzitetu u mjestu sjedišta Univerziteta.

Studentski parlament može imati studentska vijeća organizacionih jedinica.

Najviši akt Studentskog parlamenta je statut.

#### **Član 4.**

Studentski parlament ima sljedeće nadležnosti:

- a) bira studentske predstavnike u organe i tijela Univerziteta,
- b) bira predstavnike studenata u organizacije, ustanove i tijela čiji je osnivač Univerzitet,
- c) donosi plan i program rada Studentskog parlamenta,
- d) brine o pravima i interesima studenata, o kvalitetu nastavnog procesa, studentskom standardu, ostvarivanju studentskih prava i drugim pitanjima važnim za studente Univerziteta,
- e) predlaže nadležnim organima Univerziteta plan finansiranja studentskih aktivnosti,
- f) podstiče i koordinira vannastavne aktivnosti studenata,
- g) donosi opšte akte Studentskog parlamenta,
- h) organizuje i učestvuje u organizaciji i finansiranju domaćih i međunarodnih projekata čiji je cilj poboljšanje opšteg položaja studenata i zaštita njihovih interesa na lokalnom, regionalnom, državnom i međunarodnom nivou,
- i) obavlja druge poslove od interesa za studente Univerziteta, u skladu sa statutom Univerziteta i statutom Studentskog parlamenta.

#### **Član 5.**

Organi Studentskog parlamenta su:

- a) skupština,
- b) izvršni odbor,
- c) predsjednik.

Studentski parlament obrazuje povremena i stalna stručna tijela (komisije) za pojedine oblasti svog djelovanja.

Nadležnost, broj, sastav, trajanje mandata i način obrazovanja stručnih tijela iz stava 2. ovog člana uređuju se statutom Studentskog parlamenta.

### **IV-STUDENSKA VIJEĆA**

#### **Član 6.**

Studentska vijeća se uspostavljaju na članicama odnosno organizacionim jedinicama u sastavu Univerziteta.

Studentska vijeća obavljaju djelatnost na nivou organizacione jedinice na kojoj su osnovani, u skladu sa općim aktima Univerziteta, organizacione jedinice i svojim općim aktom.

Skupština je najviši organ studentskog vijeća kojeg čine predstavnici studenata sa svake studijske godine koji su izabrani na tajnim, neposrednim izborima, između kandidata predloženih na izbornoj listi.

U postupku izbora članova skupštine studentskog vijeća nastojat će se osigurati proporcionalna zastupljenost studenata sa svih organizacionih jedinica unutar fakulteta.

Nadležnost, broj, sastav, trajanje mandata i način obrazovanja skupštine i drugih organa studentskog vijeća uređuje se opštim aktom studentskog vijeća koji mora biti usklađen sa Statutom Studentskog parlamenta.

## **V-STUDENSKI PRAVOBRANILAC**

### **Član 7.**

Za studentskoga pravobranioca ili zamjenika studentskoga pravobranioca može biti imenovan student koji ispunjava uvjete za člana studentskoga predstavničkoga tijela propisane zakonom.

Studentski pravobranilac:

- a. prima pritužbe studenata koje se odnose na njihova prava te raspravlja o tome s nadležnim tijelima visokoškolske ustanove;
- b. savjetuje studente o načinu ostvarivanja njihovih prava;
- c. može učestvovati u disciplinskim postupcima protiv studenata radi zaštite njihovih prava;
- d. obavlja i ostale poslove utvrđene općim aktom visokoškolske ustanove.

## **VI -DOBROVOLJNI RAD STUDENATA**

### **Član 8.**

Senat Univerziteta može, ukoliko se ukaže potreba i mogućnost donijeti odluku o organizovanju dobrovoljnog rada studenata bez naknade na projektima od značaja za Univerzitet i lokalnu zajednicu

Senat Univerziteta će imenovati nastavnika ili saradnika koji će biti odgovoran za organizovanje dobrovoljnog rada studenata.

Nastavnik ili saradnik iz stava 2. ovog člana će u saradnji sa Studentskim parlamentom organizovati dobrovoljni rad studenata u zavisnosti od projekta koji ce se realizirati.

Studentima koji budu učestvovali u projektima dobrovoljni rad se vrednuje priznavanjem određenog broja ECTS bodova ili drugim vidom priznanja u sistemu obrazovanja, a o

čemu će, nakon realizacije dobrovoljnog rada i podnesenog izvještaja nastavnika/saradnika Senat donijeti odluku.

## **VII-EVIDENCIJA STUDENTSKOG ORGANIZIRANJA**

### **Član 9.**

Nakon osnivanja studentskog parlamenta, predsjednik parlamenta je obavezan Senatu Univerziteta dostaviti Statut parlamenta, nakon čega će Senat donijeti odluku o osnivanju studentskog parlamenta i studentskih vijeća ukoliko su osnovana i propisana Statutom parlamenta.

Ukoliko se na Univerzitetu osnuju i druge studentske organizacije, njihovo osnivanje se vrši na isti način kao što je propisano u stavu 1.ovog člana.

Evidencija studentskih organizacija vodi se u pisanoj formi u registru studentskih organizacija formata A4 i sadrži sljedeće podatke:

- redni broj;
- naziv studentske organizacije;
- skraćeni naziv studentske organizacije;
- oblik studentskog organizovanja (unija, parlament, vijeće);
- datum početka rada;
- datum prestanka rada;
- ime i prezime predstavnika studentske organizacije;
- napomena.

## **VIII–STUPANJE NA SNAGU**

### **Član 10.**

Danom stupanja na snagu ovog Pravilnika prestaje da važi Pravilnik o načinu udruživanja i predstavničkom tijelu studenata broj: 01-09-29/14 od 12.04.2014.godine

Ovaj Pravilnik stupa na snagu danom donošenja.

**Predsjedavajući Senata Univerziteta**

**Prof.dr Ibrahim Jusufrić**

Broj: 01-09-29/15  
Travnik,13.02.2015.godine